

Cu e Reina Caribense pa Oktober, Wendy op de Weegh

Diahuebs tin demostracion di Artista na Caribbean Queen

ORANJESTAD (AAN): Riba diahuebs, 24 di Oktober, 2013, artista local Wendy op de Weegh lo ta ofreciendo un demonstracion den e tienda di Caribbean Queen na Palm Beach Plaza Mall, mustrando con e ta traha su prendanan bunita y atrevido di glas supla. Wendy recientemente a worde escohi como e tienda su Reina Caribense pa e luna di Oktober 2013.

Wendy a nace na Hulanda y a muda pa Aruba 16 aña pasa. Semper e tabata traha cosnan bunita, trahando pa

mayoria parti cu tela: cosiendo telanan hunto, y creando peluche di bestia, cualnan hopi biaha tabata bunita peluche di beer. Algun aña pasa su percepcion artistico a cambia ora el a wak un aviso den e corant local promoviendo un tayer pa siña con pa traha kralchi di glas. Esaki a bira su enfoke completo, e ta confesa, y el a keda adicto na traha kralchi durante un tayer cu a worde duna na Stichting Terrafuse, bou di e guia di un ex-Reina Caribense, esta e artista local Marian Abath.

“Mi ta crea mi kralchinan cu e tecnica di ‘lampworking’,” Wendy a splica. “Tras di mi antorcha mi ta transforma staaftan di glas pa kralchinnan di glas. E movimiento di glas cu a smelt ta fascina mi,” e ta bisa, “y e adiccion di tur e diferente colornan ta haci trahamento cu lampi asina dibertido!”

Wendy ta nombra e color di shelo como su inspiracion, como tambe e colornan di lama, parhanan tropical y flor. “Mi ta inspira pa costumnan di Carnaval,” el a bisa, “y tur tipo di articul di moda, manera trahenan di baño y sarongnan multicolorido.”

Mientras cu e ta purba di dedica tanto tempo cu ta posibel tras di su antorcha, studiando na e Universidad di Aruba pa su diploma di master's den ley Arubiano ta haci esaki dificil, pero no imposibel.

Riba diahuebs anochi, Wendy personalmente lo demonstra con e ta haci su creacionnan bunita, cualnan ta obtenibel durante henter e luna di Oktober na e tienda di Caribbean Queen.

